



## SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“, broj 95/12 i 41/16), člana 25. Pravilnika o godišnjim finansijskim izvještajima političkih stranaka („Službeni glasnik BiH“ broj 96/13 i i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08), izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2017. GODINU POLITIČKE ORGANIZACIJE GRAĐANA „NAŠA STRANKA“

Broj: 03-07-6-330/18  
Sarajevo, 09.09. 2019. godine

## SADRŽAJ

MIŠLJENJE REVIZORA .....	3
1. UVOD .....	4
2. PREDSTAVLJANJE POLITIČKE STRANKE .....	4
3. OPIS PREGLEDA I KONTROLE FINANSIJSKOG IZVJEŠTAJA .....	5
Predmet pregleda i kontrole .....	5
Cilj pregleda i kontrole .....	5
Obim pregleda i kontrole .....	5
4. PRETHODNE KONTROLE I REVIZIJE .....	5
5. NALAZI I PREPORUKE .....	5
5.1. NALAZI.....	5
5.2. PREPORUKE .....	7

## MIŠLJENJE REVIZORA

Služba za reviziju finansiranja političkih stranaka je izvršila pregled godišnjeg finansijskog izvještaja Političke organizacije građana „Naša stranka“ za 2017. godinu

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka Bosne i Hercegovine, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskog izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

**Pregledom godišnjeg finansijskog izvještaja za 2017. godinu, utvrđeno je da je Politička organizacija građana „Naša stranka“ prekršila odredbe člana 4. stav (1), člana 8. stav (1), člana 11. stav (1) i člana 12. stav (1), (2) i (4) Zakona o finansiranju političkih stranaka.**

**Na osnovu našeg pregleda, odnosno kontrole finansijskog izvještaja, osim gornjih napomena, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.**

## 1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Političke organizacije građana „Naša stranka“ za 2017. godinu.

Pregled i kontrola finansijskih izvještaja provedeni su u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka. Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Političke organizacije građana „Naša stranka“ se finansirala iz sljedećih izvora<sup>1</sup>:

R/B	Izvori finansiranja	Iznos (KM)	Struktura (%)
1.	Članarina	4.630,20	0,88
2.	Prilozi fizičkih lica ( 3-a )	4.664,86	0,89
3.	Prilozi pravnih lica ( 3-b )	0,00	0,00
4.	Prihodi od imovine ( 3-c )	0,00	0,00
5.	Prihodi od dobiti preduzeća u vlasništvu političke stranke ( 3-d )	0,00	0,00
6.	Prihodi od poklona ( 3-e )	2.304,00	0,44
7.	Prihodi iz budžeta ( 3-f )	499.946,89	95,65
8.	Prihodi od propagande ( 3-g )	0,00	0,00
<b>I</b>	<b>Ukupni prihodi (1-8)</b>	<b>511.545,95</b>	<b>97,86</b>
<b>II</b>	<b>Ostali prihodi i drugo</b>	<b>11.133,43</b>	<b>2,14</b>
	<b>Izvori finansiranja (I+II)</b>	<b>522.679,38</b>	<b>100,00</b>

U godišnjem finansijskom izvještaju stranka je iskazala rashode u ukupnom iznosu od 392.069,34 KM.

## 2. PREDSTAVLJANJE POLITIČKE STRANKE

Naziv političke stranke je Politička organizacija građana „Naša stranka“. Skraćeni naziv je Naša stranka, NS.

Politička organizacija građana „Naša stranka“ registrovana je kod Općinskog suda u Sarajevu, Rješenjem broj: 065-0-Reg-08-001257 od 21.04.2008. godine. Rješenjima istog suda, broj: 065-0-F1-11-000006 od 20.09.2011. godine, broj: 065-0-F1-14-000017 od 26.06.2014. godine, broj: 065-0-F1-15-000012 od 12.08.2015. godine i broj: 065-0-F1-17-000012 od 25.09.2017. godine upisane su promjene sjedišta stranke i lica ovlaštenih za zastupanje stranke.

Sjedište političke stranke je u Sarajevu, Branilaca Sarajeva 5/1.

Lice ovlašteno za zastupanje stranke je Nihad Uk, generalni sekretar.

Lice ovlašteno za podnošenje finansijskih izvještaja za 2017. godinu je Nihad Uk.

<sup>1</sup> Podaci o ukupnim prihodima stranke iz ispravljenog obrazca 3 (Izvori finansiranja) finansijskog izvještaja, koji je stranka dostavila dana 01.07.2019. godine.

Prema podacima iz godišnjeg finansijskog izvještaja za 2017. godinu, organizacionu strukturu Naše stranka čine:

- Centrala stranke i
- 22 općinska odbora.

### **3. OPIS PREGLEDA I KONTROLE FINANSIJSKOG IZVJEŠTAJA**

**Predmet pregleda i kontrole** je godišnji finansijski izvještaj Naše stranke za 2017. godinu.

**Cilj pregleda i kontrole** je da revizor na bazi finansijskih izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

**Obim pregleda i kontrole** finansijskih izvještaja Naše stranke obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskim izvještajima sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na prihode iz budžeta.

### **4. PRETHODNE KONTROLE I REVIZIJE**

Pregled, kontrola i revizija finansijskih izvještaja Naše stranke vršeni su u periodu od 2008. do 2016. godine, nakon kojih su izdati izvještaji o pregledu, odnosno izvještaji o reviziji sa mišljenjem revizora, nalazima i preporukama revizije.

Nakon izvršenog pregleda godišnjeg finansijskog izvještaja za 2016. godinu stranci su date preporuke: da finansijska sredstva koristi isključivo za ostvarivanje ciljeva utvrđenih svojim programom i statutom, da se ne finansira iz izvora koji su zabranjeni političkim strankama, da poslovne knjige vodi u skladu sa računovodstvenim propisima, da u svojim poslovnim knjigama uspostavi blagovremene, potpune i tačne evidencije o rashodima stranke, da finansijske izvještaje podnosi u formi koju je Centralna izborna komisija BiH propisala svojim podzakonskim aktima i da u svom finansijskom izvještaju uključi sve koristi ostvarene od aktivnosti subjekata koji su na bilo koji način povezani s političkom strankom ili su pod njenom kontrolom.

#### **Nerealizovane preporuke:**

Na osnovu uočenih nedostataka u godišnjem finansijskom izvještaju za 2017. godinu, utvrđeno je da Naša stranka nije ispoštovala sve preporuke.

### **5. NALAZI I PREPORUKE**

#### **5.1. NALAZI**

**a) Politička organizacija građana „Naša stranka“ je prekršila odredbe člana 4. stav (1) Zakona o finansiranju političkih stranaka<sup>2</sup>.**

Finansijska sredstva, u iznosu od 29.739,04 KM, politička stranka nije koristila u skladu sa utvrđenim Programom utroška sredstava za 2017. godinu.

- Programom utroška sredstva za 2017. godinu Naša stranka je planirala troškove zakupnine u iznosu od 50.000,00 KM, a iste je ostvarila u iznosu od 61.126,45 KM, čime je planirani iznos prekoračila za 11.126,45 KM.

---

<sup>2</sup> U skladu sa odredbom člana 4. stav (1) Zakona o finansiranju političkih stranaka, stranka finansijska sredstva iz člana 3. stav (1) ovog zakona može koristiti isključivo za ostvarivanje ciljeva utvrđenih svojim programom i statutom.

- Troškove telefona koji su planirani u iznosu od 10.000,00 KM ostvareni su u iznosu od 13.638,7 KM, što je prekoračeno za 3.638,70 KM.
- Programom utroška sredstava nisu planirana sredstva za dio režijsko administrativnih troškova (reprezentacije, grijanje i dnevnice i putni troškovi) a stranka ih je ostvarila i u finansijskom izvještaju iskazala u iznosu od 14.973,89 KM, i to: troškove reprezentacije u iznosu od 5.521,65 KM, troškove grijanja u iznosu od 7.025,38 KM i dnevnice i putne troškove u iznosu od 2.426,86 KM.

**b) Politička stranka je ostvarila zabranjene priloge, čime je prekršila odredbe člana 8. stav (1) Zakona o finansiranju političkih stranaka.**

Uvidom u izvode stranke utvrđeno je da je stranka primila novčana sredstva od European liberal forum u iznosu od 1.617,14 KM (826,83 EUR) i od Lymec – European liberal youth u iznosu od 518,29 (265,00 EUR)

S obzirom da je stranka primila sredstva iz zabranjenog izvora, prekršila je odredbe člana 8. stav (1) Zakona o finansiranju političkih stranaka.<sup>3</sup>

**c) Politička stranka nije postupila u skladu sa odredbama člana 11. stav (1), člana 12. stav (1), (2), i (4) Zakona o finansiranju političkih stranaka.**

Na osnovu finansijskog izvještaja, finansijske dokumentacije koju je na zahtjev Centralne izborne komisije BiH dostavila Naša stranka i revizijskih dokaza pribavljenih iz eksternih izvora, utvrđeno je da stranka nije vodila poslovne knjige u skladu sa računovodstvenim propisima<sup>4</sup>, nije uspostavila potpune i blagovremene evidencije o prihodima, u finansijskom izvještaju nije uključila koristi ostvarene od aktivnosti fondacije koja je povezana s političkom strankom<sup>5</sup> i godišnji finansijski izvještaj nije podnijela na način kako je propisala Centralna izborna komisija BiH<sup>6</sup>.

- U poslovnim knjigama, isplate Agenciji za posredovanje u zapošljavanju Worker d.o.o. Sarajevo u iznosu od 17.992,88 KM, stranka je evidentirala kao usluge studentskih servisa, a u finansijskom izvještaju koji je podnijela Centralnoj izbornoj komisiji BiH iskazala ih je kao troškove usluga, ne navodeći koje vrste usluga su pružene.
- Stranka u obrascu 3-e finansijskog izvještaja (Prihodi od nenovčanih donacija) nije iskazala nenovčane donacije, koje su nastale otpisom zastarjelih obaveza prema sljedećim pravnim licima: Media Praxis u iznosu od 5.554,00 KM, Bato doo u iznosu od 1.053,00 KM, Dubrovnik doo u iznosu od 80,00 KM i fizičkog lica Dubravke Popović u iznosu od 854,40 KM. Navedene

<sup>3</sup> Prema odredbama člana 8. stav (1) Zakona finansiranje političkih stranaka zabranjeno je organima uprave države BiH, entiteta, kantona, Brčko Distrikta, te gradovima i opštinskim organima, javnim institucijama, javnim preduzećima, humanitarnim organizacijama, anonimnim donatorima, vjerskim zajednicama, sindikatima, pravnim licima u kojima državni kapital iznosi 25% i drugim državnim, stranim političkim strankama i stranim pravnim licima.

<sup>4</sup> U skladu sa odredbom člana 11. Zakona o finansiranju političkih stranaka, politička stranka je dužna voditi poslovne knjige u skladu sa računovodstvenim propisima.

<sup>5</sup> U skladu sa odredbom iz člana 12. stav (2) Zakona, politička stranka obavezna je u svom finansijskom izvještaju uključiti sve koristi ostvarene od aktivnosti subjekata koji su na bilo koji način povezani s političkom strankom ili su pod njenom kontrolom.

<sup>6</sup> U skladu sa odredbom iz člana 12. stav (4) Zakona, politička stranka podnosi finansijski izvještaj u formi koju odobri Centralna izborna komisija Bosne i Hercegovine. U skladu sa odredbom iz člana 12. stav (3) Zakona, izvještaj za period izborne kampanje politička stranka podnosi na način propisan Izbornim zakonom BiH.

prihode stranka je iskazala kao *Ostale prihode*, čime je prekršila odredbe člana 13. i člana 18. Pravilnika o godišnjim finansijskim izvještajima političkih stranaka.

- Politička stranka u finansijski izvještaj nije uključila koristi koje je ostvarila od Fondacije Boris Divković.

Naša stranka i Fondacija Boris Divković su kao zakupci zajednički zaključili ugovor o zakupu poslovnog prostora u Sarajevu, u ulici Branilaca Sarajeva broj 5. Tragom ovog podatka utvrđeno je da je navedena Fondacija provela regionalne projekte (Regionalna liberalna politička akademija) gdje su ispred Bosne i Hercegovine učestvovali samo članovi Naše stranke. Projekat Regionalne liberalne političke akademije je podržan, odnosno finansiran od strane „Centre Party International Foundation” iz Švedske.

Obzirom na činjenice da su radionicama koje su održane u okviru pomenutog projekta prisustvovali samo članovi Naše stranke, da su na njima kreirani programi bitni za politički angažman članova ove stranke, utvrđeno je da je stranka ostvarila korist od fondacije, koju je u skladu sa članom 12. stav (2) Zakona o finansiranju političkih stranaka bila dužna uključiti u svoj finansijski izvještaj.

## 5.2. PREPORUKE

*Preporučuje se Našoj stranci da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:*

- *da finansijska sredstva koristi isključivo za ostvarivanje ciljeva utvrđenih svojim programom i statutom,*
- *da ne prima priloge iz zabranjeni izvora,*
- *da poslovne knjige vodi u skladu sa računovodstvenim propisima,*
- *da u svojim poslovnim knjigama uspostavi blagovremene, potpune i tačne evidencije o prihodima stranke,*
- *da finansijske izvještaje podnosi u formi koju je Centralna izborna komisija BiH propisala svojim podzakonskim aktima i*
- *da u svom finansijskom izvještaju uključiti sve koristi ostvarene od aktivnosti subjekata koji su na bilo koji način povezani s političkom strankom ili su pod njenom kontrolom.*

**KOMENTAR:**

Naša stranka se očitovala u ostavljenom roku na Preliminarni izvještaj o pregledu godišnjeg finansijskog izvještaja za 2017. godinu.

U očitovanju stranka je dostavila relevantne dokaze i ispravljene obrasce godišnjeg finansijskog izvještaja.

Služba za reviziju je uvažila argumentovane primjedbe i korekcije, te korigovala nalaze navedene u Preliminarnom izvještaju.

Revizor

Veliborka Kenjić

Pomoćnik revizora

Anela Burdžović Kapić

Šef Službe za reviziju, revizor

Mr. sc. Hasida Gušić